



USAID
FROM THE AMERICAN PEOPLE



PROGRAM PODRŠKE MARGINALIZIRANIM GRUPAMA (USAID/PPMG)

Osnovne informacije o Fondu podrške razvoju biznisa marginaliziranih grupa žena

Ukupna vrijednost granta: 1.640.000,00 KM

Trajanje: 1.10.2016-31.12.2021.

Partneri granta: Opština Kalinovik, Opština Konjic, Opština Livno, Grad Prijedor, Opština Rudo, Opština Teslić, Opština Tešanj, Opština Visoko i Grad Zvornik (Poziv I), Opština Berkovići, Opština Foča, Opština Istočna Ilidža, Opština Lopare, Opština Lukavac, Opština Novi Grad, Opština Prozor-Rama, Opština Žepče, Grad Živinice (Poziv II) i jedinice lokalne samouprave koje će biti odabrane u Pozivu III.

IZAZOV

Žene u bosanskohercegovačkom društvu su u nezavidnom položaju u bh. preduzetništvu, ekonomiji i privredi. U biznisu je relativno malo žena, a i one koje su uspješne, teško se nose s preprekama koje nameće bosanskohercegovačko, još uvijek stereotipno društvo. Žene su značajna ali nedovoljno iskorištena snaga u privredi Bosne i Hercegovine. Izraziti nedostatak istraživanja o ženama u privatnom sektoru znači da njihovi problemi i doprinosi nisu dovoljno prepoznati. Pozitivne promjene obuhvaćaju ratifikaciju Konvencije o eliminaciji svih oblika diskriminacije žena i usvajanje ključnih zakona o pravima žena, među kojima su Zakon o ravnopravnosti spolova, Porodični zakon i Zakon o zaštiti od nasilja u porodici. Uprkos pozitivnim zakonima i političkom progresu žene su i dalje u ekonomski nepovoljnijem položaju, te privredi daju manji doprinos od muškaraca. Marginaliziranost žena u Bosni i Hercegovini se očituje u višoj stopi nezaposlenosti koja iznosi 18,8% naspram stope nezaposlenosti muškaraca od 13,6%. Također, stopa zaposlenosti je znatno viša za

muškarce i iznosi 44,6%, a za žene 26,7% prema zadnjoj Anketi o radnoj snazi u 2019. godini. Ekonomsko osnaživanje žena doprinosi razvoju, stvarajući ekonomske i socijalne prilike od koristi za pojedince, zajednice, države i svijet u cijelosti. U tom smjeru, relevantne institucije, organizacije i međunarodna zajednica u Bosni i Hercegovini, kao i organizacije bh. dijaspore u svijetu trebaju dodatno saradivati.

FOND

USAID/PPMG u saradnji s osamnaest jedinica lokalne samouprave (Poziv I i Poziv II) provodi program za podršku razvoju preko 130 biznisa, odnosno mikro, malih i srednjih preduzeća kao i seoskih domaćinstava žena žrtava nasilja, samohranih majki, nezaposlenih mladih žena mlađih od 35 godina, žena s invaliditetom ili s djetetom s invaliditetom, doprinoseći konkurentnosti lokalnih ekonomija i stvaranju mogućnosti za zapošljavanje teško zapošljivih kategorija. USAID/PPMG i jedinica lokalne samouprave udruženim sredstvima formiraju preduzetnički Fond za podršku razvoju biznisa marginaliziranih grupa žena. Jedinica lokalne samouprave osigurava sredstva za Fond u minimalno jednakom iznosi koji izdvaja USAID/PPMG. U narednom periodu će biti odabrane dodatne jedinice lokalne samouprave u okviru Poziva III, sa kojima će se podržati novi biznisi žena.

IMPLEMENTACIJA I OČEKIVANI REZULTATI

Saradnja između USAID/PPMG i partnerskih jedinica lokalne samouprave ogleda se u stvaranju sredine koja je usmjerena ka uspostavljanju i poboljšanju institucionalnih mehanizama za brigu o preduzetništvu marginaliziranih grupa žena. Kreiranjem Fonda između USAID/PPMG i partnera se nastoje stvoriti pretpostavke za održivi razvoj preduzetništva marginaliziranih grupa žena, kroz poticanje na samozapošljavanje, te njihovo veće i lakše uključivanje u preduzetništvo i stvaranje novih radnih mjesta.

Za više informacija kontaktirajte Adu Hamidović, savjetnicu za Fond, putem emaila ada.hamidovic@ppmg.ba i Ajku Rovčanin, savjetnicu za Fond, putem emaila ajka.rovcanin@ppmg.ba.

Sadržaj ovog dokumenta isključiva je odgovornost autora i ne odražava nužno stavove USAID-a niti Vlade SAD-a.